

GLW Foundation ta orguyoso di aña 2014



ORANJESTAD (AAN): Aña 2014 pa GLW Foundation tabata un aña exitoso un biaha mas y nos kier a gradici tur esnan cu a forma parti di dje. Un aña unda cu e hobennan di Aruba a bolbe saca cara di Aruba na nivel internacional. Miss Teen Belleza Americana 2014, Best National Costume, Miss Teen Cultura, Miss Teen Elegancia 2014. (El Salvador): Stephanie de Andrade ... Un hoben hopi determina pa logra su metanan y esaki tabata un di nan, semper cordial,

atento y diciplina ... Danki na su mama Shareen de Andrade cu tabata 100% tras di tur cos y na tur esnan cu a yuda Stephanie logra e titulo aki pa nos isla.

Miss Teen Americas 2014 (El Salvador): Chysah Verstappen: Un hoben cu tabata tin su mission for di dia el a worde corona, pa representa su isla na e mihor forma posibel, un siman cu su retonan, pero Chysah semper focus pa luci na tur momento y a sa cu capta atencion di tur hurado manera



algun hurado a bisami "La Niña de Aruba es completa" ... Pabien Chysah, Maritza, Eric, Endy y na tur cu a haci e representacion di Chysah posible.

Miss Teen World (Panama): 1st Runner Up Miss Teen World, Mejor Rostro, Miss Teen Fotogenica Sharyl Tromp: Elegancia y Belleza ta e caracteristicanan di e hoben aki combina cu su amabilidad di nos hendenan a pone cu Sharyl a haci un impacto riba e hendenan di Pana-



ma cu anochi final tabata grita Aruba y apoyando Sharyl cual ta laganos sinti masha orguyoso di nos representante .. Pabien na su mayornan Antoine y Irena, Famia, Endy Croes y tur cu a haci posibel e participacion di Sharyl den exterior Miss Meso America (El Salvador): Top 5 Finalista Geraldine Vidal ... Perseverante y di curason cautivante... Freca ta un mucha muher hopi dedica na loke e ta haci y esey nos por a mira tambe den Geraldine su presentacion na El Salvador, manera e director di e certamen a bisami "Geraldine es una niña responsable, bella, inteligente y toda una reina" Geraldine y 4 otro pais a keda No.1 den e certamen y a kibra e empate cu un pregunta riba stage y aki España a gana, pero nos ta masha proud di Sherry Berry!

Miss Belleza Americana 2013 (Baha corona 2014) Jesseline Beg ... Bunita pa mira con un reina ta worde stima na un pais cu no ta su cas, e amor cu El Salvador a demostra na Jesseline tabata fantastico, e candidatanan, e comision y tur hende tabata worde captiva pa e bunita caracter di Jess ... Un reina cu a baha su corona cu tur honor ... Danki Jess semper un bunita reina di alma y curason.

Miss Teen Aruba 2014: Un aña bunita ... 12 bunita

popchi riba nan mes, tur cu nan briyo unico, Danki na cada un di boso, corda semper cu esaki ta un competencia y ta un por ta ganadora, pero boso tur ta reina riba boso nan mes y nunca perde e chispa hubenil ey ... Na Comishion di GLW Foundation, Scouts masha masha Danki! Sigur un danki na tur mayor, tur nos amigonan comerciante, na tur cu a haci Miss Teen Aruba International posibel .. Di MC, pa Stage Decor, pa Lus, Security, Tur tur hende ... Aruba ta bon representa pa nos Miss Teen International Isamae Solognier.

Na Final di aña nos exito a worde reconoci pa Minister di Labor y Hubentud cu ta Minister Paul Croes cu den nomber di e comision Leadership and Excellence a entrega un reconocimiento na GLW Foundation su presidente George Winterdaal pa e trabao cu e ta realiza cu e hobennan di Aruba pa cual esaki sigur ta un estimulansa pa sigui traha pa nos hobennan!

Na mi amigonan di berdad, na esnan cu ta para banda dimi den tur momento ... Tin un dicho cu ta bisa cu den momentonan di tormenta bo ta haya sa ken ta bo amigonan di berdad ... y keremi mi a haya sa ken mi tin banda dimi di berdad... GLW Foundation tey pa keda tanten nos tin bida y salud.